



09.11.21 Utval for helse og omsorg

11.11.21 Formannskapet

Notat auka kapasitet prosjekt og legeressurs

Saka gjeld:

1. Det vert tilsett ein 100% prosjektleiar i perioden 2022-2024 finansiert med auka innsparing i prosjektet.
2. Det vert tilsett ein ny 100 % kommunal fastlege finansiert i hovudsak av behandlingssinntekter.

1. Prosjekt leiing, kvalitetsforbetring og ressurseffektiv drift 2021-2024

Grunnlag

Viser til sak KO-054/21 der det vart vedtatt å starte opp eit 4-årig administrativt prosjekt for leiing, kvalitetsforbetring og ressurseffektiv drift i sektor Helse og omsorg. Bakgrunnen for prosjektet er vedtatt innsparingar i økonomiplan 2021 -2024. Det er utarbeida mandat for gjennomføring av prosjektet.

Aktuelle noverande oppgåver i prosjektet

- Innkalling og referat prosjektmøter
- Rapportering framdrift prosjekt i ulike råd og utval
- Møter med referansegruppe
- Pådrivar og fasilitator for arbeidsgrupper samt dokumentasjon per arbeidstema. Gjeld og samla for prosjektet, inklusiv års- og milepærrapportering.
- Bistå ved implementering av endring i oppgåveløysing mv.

Aktuelle arbeidsgrupper som pt er iverksatt med ressursbruk frå tenesteleiar, avd.leiar mfl:

- Styrings- og rapporteringsdata; opplæring, implementering og fortløpande dokumentasjon av utvikling.
- Brukarundersøking; planlegging, gjennomføring, rapportering og arbeid med forbetningsområder fram mot ny undersøking 2023.
- Forbetningsarbeid Habilitering – ulike tema
- Forbetningsarbeid Psykisk helse og rus – ulike tema
- Fullfinansierte kommunale tiltaksplassar – vekstbedrifter
- KO sak 121/21: Arbeide med å finne eigna lokaler for å samlokalisere avlastingstiltaka som i dag vert gitt i Røsvikrenen i Knarvik, Havnevegen på Frekhaug og på Ostereidet. Målet er betre kvalitet og kostnadseffektiv drift. Kommunestyret ber rådmannen kome attende med ei sak om lokalisering, val av bygg/nybygg og eventuell økonomisk innsparing ved ei samlokalisering av desse avlastingstiltaka.
- Komande politiske vedtak med oppfølging



Prosjektet sitt oppdrag er m.a. å sikre kontinuerleg arbeid med å finne nye forbedringsområder med mål om ressurseffektiv drift. Nye utgreiingar/tiltaksområder og påfølgande implementering vil føre til etablering av arbeidsgrupper.

Vurdering noverande kapasitet i prosjekt:

Fagansvarleg Fagutvikling stab er pt prosjektleiar. I tillegg vert rådgjevarar i stab nytta på aktuelle tema i arbeidsgruppe.

Tenesteleiarar Habilitering, Psykisk helse og rus og avdelingsleiar forvaltningskontor er pt ansvarleg for framdrift i aktuelle arbeidsgrupper. I tillegg er avdelingsleiarar i berørte tenestemråde involvert i arbeidsgrupper.

På sikt vil ein vurdere synergi for øvrige aktuelle tenestemråde i sektoren. Dette vil og involvere nemde tenesteleiarar og avdelingsleiarar.

For å sikre framdrift og få effekt av aktuelle tiltak med omsyn til målsetting med prosjektet er det trong for å styrke kapasitet relatert til arbeidsomfang i prosjektperiode. Aktuelle noverande deltakarar i prosjektet har kapasitetsutfordring i høve til ordinær oppgåveportefølge.

Konklusjon

Det er trong for å tilsette 100% prosjektleiar i perioden 2022-2024. Stillinga skal finansierast med auka innsparing i prosjektet. Prosjektleiar skal sikre gjennomføring og dokumentasjon saman med noverande prosjektgruppe.

2. Tilsetting ny fastlegeheimel

Grunnlag:

Sitasjonen i almennelegetenesta er under sterkt press i heile landet og har forverra seg over tid. Fastlegane i Alver melder om ein krevjande situasjon med stor auke i arbeidsoppgåver, stor slitasje på tilsette og lengre ventetider for pasientane. Ingen faste heimlar er for tida ubesett, men det er svært vanskeleg å skaffe kvalifiserte vikarar ved permisjonar og sjukefråver. Vikarbyrå kan i svært liten grad bidra med lege med rett kompetanse til dei behov kommunen treng, og til rett tid.

Fleire av fastlegane har kommunale bistillingar knytt til sjukeheim og helsestasjon. Fastlegane har og pliktig deltaking i legevakt kveld, natt og helg ved Nordhordland interkommunale legevakt.

Alver kommune er i startfasen i arbeidet med ein plan for legetenesta. Vurdering av framtidig kapasitet og dimensjonering av legetenesta skal vurderast i plan for legetenesta.

Ambisjonen er å leggje planen fram for politisk handsaming før sommaren 2022.



Vurdering noverande kapasitet i legetenesta

- Alver har 8 fastlegekontor.
- Det er i alt 26 fastlegeheimlar i kommunen der nokre av desse arbeider deltid og/eller er knytt opp mot offentleg legearbeid.
- Total listekapasitet (summen av legane sine listetak) er 29 400
- Det er pt 779 personar på venteliste til fastlege i Alver, og pt 417 ledige plassar.
- Det er få muligheter for skifte av fastlege i kommunen.
- Kommunen har 5 plassar for LIS1 (tidlegare turnuslege)
- Fastlegane si oppgåve med fråværsdekning for kollegalister når det ikkje lukkast med å skaffe vikar er ein stor meirbelastning og ansvar i ein allereie pressa fastlegepraksis.
- Kommunen har ledige lokaler i etablert legekantor i helsehuset.

Konklusjon

Det er trong for å tilsette ein ny 100 % kommunal fastlege, finansiert i hovudsak via behandlingsinntekt frå HELFO. Auke med 1 fastlegeheimel er eit naudsynt akutt tiltak med formål å sikre forsvarleg drift av almennlegetenesta i Alver kommune.

.....

Leni Dale
Kommunalsjef helse og omsorg
Dato: 04.11.2021